

Аскарова А.Ш., Баязитов Б.Б.

### **Тәуелсіздік жылдарындағы қазақ романы**

Мақалада ел тәуелсіздігі жарияланғаннан бергі уақытта жазылған романдар тақырыптық жағынан топтастырылып, жаңа дәүірдегі жаңа романдардың идеялық, мазмұндық ізденістері негізгі зерттеу нысанында қарастырылады. Сондай-ақ, романның кең тараған тақырыптары мен сабактас тақырыптар өзара салыстырыла отырып, нақтылы романдар төңірегінде талданады. Тарихи тақырыптағы романдарға кеңінен тоқталып өтеді. Қазақ романдары ішінен тарихи романдардың I. Есенберлин бастаған көшінен бергі кезеңдерде сан жағынан да, сапа жағынан да озық түруы XX ғасырдың соңы ширигі десек, бұл тәуелсіздік алғашқы он жылдыққа да тән. Сондықтан да, мақалада тарихи романдар ерісі, ұлттық, тәуелсіздік идеясын жалаулатуға үлесі, өзге де тарихи тақырыпқа жақын роман түрлерімен қатар аталады. Тарихилық үғымының аясында романдардың сипатын тануға жол ашылады. Жазушы шеберлігі мен шығарма шырайын танытуға аса мән берілген. Романдардағы тұлғалар өмірі, төңкеріс, аштық, соғыс, 86-дағы Желтоқсан тақырыптарының идеялық-мазмұндық ізденістері, көркемдік шешімдері талданады.

**Түйін сөздер:** тәуелсіздік жылдары, идеялық-мазмұндық ізденістер, қазақ романы, ел тарихы, тарихи романдар, тарихилық.

Askarova A.Sh., Bayazitov B.B.

### **Kazakh novel in years of independence**

The article is dedicated to the novels written in the years of Independence; they are grouped due to their themes. The novels of the contemporary period are investigated in terms of the idea and content. The comparative analysis of the popular themes of the historical novels is based on a particular novel. The paper deeply deals with novels on historical themes. The Kazakh historical novels originating from the creativity of I. Esenberlin were far ahead both in their quality and quantity in the last quarter of the twentieth century; it is also typical for the first decade of Independence. That is the reason why the authors dwell on the kinds of historical novels, which take up the idea of independence, national idea, as well as other historical themes. Novels are identified by the clarification of the phenomenon of historicity. The attention is paid to the writer's skills and the beauty of the work. The life of characters of the novels, revolution, famine, war, the ideological content and artistic solutions concerning the December events of 1986 called Zheltoksan are analyzed in the article.

**Key words:** years of Independence, in terms of idea and content, Kazakh novels, historical novels.

Аскарова А.Ш., Баязитов Б.Б.

### **Казахский роман в годы независимости**

В статье рассматриваются романы, созданные в годы Независимости,дается их группировка по тематике, осмыслены идеино-содержательныеисследования в романах новой эпохи. В работе был проведен сравнительно-сопоставительный анализ тематики исторических романов на основе конкретного романа. Казахские исторические романы, берущие начало из творчества И. Есенберлина, возросли и в количественном, и в качественном отношении в последней четверти XX века, что характерно и для первого десятилетия независимости. Автор останавливается на видах исторических романов, в которых раскрываются идея независимости, национальная идея, а также другие исторические темы. На основе исторических понятий раскрывается мастерство писателя и смысл произведения. В романах дается анализ жизни людей, революции, голода, войны, освещаются идеино-содержательные изыскания и художественные решения, касающиеся темы декабрьских событий 86 года.

**Ключевые слова:** годы Независимости, идеино-содержательные поиски, казахский роман, история страны, исторические романы, историзм.

## ТӘУЕЛСІЗДІК ЖЫЛДАРЫНДАҒЫ ҚАЗАҚ РОМАНЫ

Тәуелсіздік жылдары ел арасына көптеген жаңалықтарымен, ауыртпалықтарымен келгені, көптеген салаларда тың өзгерістердің орын алғандығы да белгілі. Соның қатарында ел мәдениетінің алғы шебіндегі өнер саласы – сөз өнері де жақсылықты жаңалықтарына бет алды. Бұл шығармашылық әлеміндегі көлемді туынды роман жанрының тақырып ауқымының кеңеje түсінен де, мазмұндағы ізденістерінен де көрініс береді.

Романдар жайлы сөз қозғамастан бұрын олардың тақырып ауқымына тоқталар болсақ, әуелі, тарихи тақырыптағы романдарды атар едік. Бұлай болатын себебі, өзге романдарға қараша оқырман сусап отырган тақырыптардың бірі тарих еді. Сонымен қатар, «ХХ ғасырдың екінші жартысынан бермен қарай тарихи роман әдебиетіміздің алдыңғы шебіне шықты. Жетекші жанрға айналды. Сан жағынан да, сапа жағынан да. Мұхтар Әуезовтің «Абай жолы» роман-эпопеясы арқылы қазақ әдебиеті әлемдік биікке көтерілді. Көтерілісімен міндеті де өзгеріп зорайды» [1, 467] – деп, әдебиеттанушы ғалым Ш. Елеуkenов айтқандай, қаламгерлер алдындағы міндет те, оларға артылар жауапкершілік те артқандығымен байланыстыруға болар.

Ел тарихына, сөз өнеріне елеулі үлес қосып келе жатқан ғалым Т. Жұртбайдың сөзімен айтсақ, «Тарихи тәуелсіз ойлау жүйесі қалыптаспаған тарихшылар тарихи шындықты қалпына келтіре алмаса, ұлттық мемлекеттің тарихы мен ұлттық мұддесі, танымы мен тағдыры толық тұжырымдалмайды» [2, 15].

Бұл пікір, әрине, тарихшылар жайлы айтылғанымен де, ел алдындағы жауапкершілігін сезінген әр бір тұлғаның, әр бір зиялы қауым өкілінің алдындағы міндет еді. Мұны шығармашыл қауым дұрыс ұғынды. Сондықтан да, әдебиеттегі тарихи тақырып төнірегіндегі зерттеуінде ғалым Ж. Дәдебаевтың «Тарихи өткен дәуір шындығын көркем суреттеу дәстүрінің қазақ әдебиеті топырағында туып, қалыптасуы, өркендеуі – өте күрделі және заңды құбылыс» [3, 3] деуі заңды.

Тарих және әдебиеттің арасындағы тығыз байланыстың басты көрінісі ретінде танылатын тарихи романдар белгілі бір өлшем мен қалыпқа салып жазылатын дүние еместігі айқын. Оnda жазушының көркемдік құралдары, тың ізденістері тарихтағы жайдың көркем бейнесін жасауда, оқырманың қызықты-

ру мақсатында әсерлеу, әсірелеулер қосылары да белгілі жайт. Ал жазушы үшін тарих объект қана болып, яғни тек қана құрылым материалы қызметінде қалу да сөз өнерінде занды құбылыс ретінде танылады. Алайда, тарихи оқиғаның негізгі сүйегі сакталатынын жадыда ұстаған абзal.

Сонымен, қазақ көркем сөз әлеміне тәуелсіздік жарияланғаннан кейін келіп қосылған тарихи романдар деп Қабдеш Жұмаділовтің «Дарабоз» (1994, 1996) дилогиясын, «Прометей алауы» (2002), Ұзақбай Доспамбетовтың «Қызыл жолбарыс» (2000), «Абылайдың әк туы» (2004) дилогиялары, Софы Сматасевтың «Елімай» трилогиясының 3-кітабы (2003), Тұрсынхан Зәкенұлының «Кек бөрілердің көз жасы» (2003), Жанат Ахмадидің «Дүрбелен» (1990), «Шыргалан» (1997), Қалмұқан Исабайдың «Шон би» (2005), Кәдірбек Сегізбайдың «Беласқан» (2001) романдар қатарын айтамыз. Алайда бұл тізімнің мұнымен бітпесі анық. Бұл романдардан бұрын, не кейін жазылған романдар да бар. Тақырып тұрғысынан тарихпен сабактасып жататын романдар да баршылық.

«Тарихи романның жаңа өрісі» мақаласында Шерияздан Елеуkenов қазақтың тарихи романдағына талдау жасай отырып, авторлардың тарихи материалдарды қолдану, көркемдік әдістеріне кеңінен тоқталып өтеді. Төмендегідей тұжырымында да бекітіп кетеді: «Еліміздің бостандығы мен тәуелсіздігі жолындағы құрес тақырыбы енді қазіргі тарихи романның жаңа беттерінің сүбелі бөлігін құрап отыр. Тәуелсіздік жазушылар санасына күрт өзгеріс енгізді. Қазіргі тарихи романның өткенге сұрау салуы бұрынғыдан батылышақ, ауқымдырақ. Бұлжымас принципі – шындық. Әр дәуірдің күнгейі мен теріскейін қаз қалпында көрсете білу. Сөйтіп ата-бабаларымыздың ұлағатты сөзін қару ету» [1, 469].

Бұл кішкене ғана үзіндінің өзі ел тарихы мен әдебиетінін байланысын, жазушылардың мінде-тін атқару жолындағы жауапкершілікті абыроймен алғып жүргенін айтЫП, көркем сөз өнеріндегі бір саланың көтерген жүгін түсіндіріп береді. Бұл сөздің бір дәлелі жазушы Қабдеш Жұмаділовтің «Дарабоз» тарихи роман-дилогиясын жазудағы басты мақсатынан көрінеді:

«Бұл романга мені жетектеген нәрсе – тарих ғылымының қазақ үшін аса маңызды беттерін өтірік ала қашулардан, шөп-шаламнан тазартып, шындықты қалпына келтіру болды. Кеңес дәүірінде қазақ тарихы көп бұрмаланды. Әсіресе, қатты бұрмаланған, өзгеріске ұшыраған белгілі идеяларға бейімдеп, иш әкелген тарих – біздің XVIII ғасырдағы тарихымыз. XVIII ғасырдағы ең басты оқиға не деген мәселе романда басқаша

қаралады... Бірталай еңбектерде XVIII ғасырдағы басты оқиға Қазақстанның Ресейге өз еркімен қосылуы деп саналады. Меніңше, біз бұдан былай осы сынаржақ, жағымпаздық көзқарастан арылуға тиіспіз. Басты оқиға – қазақ жерінің жонғар басқыншылығынан азат етілуі болатын. XVIII ғасырда қазақ халқы Отан соғысын жүргізіп, ақыры жеңіп шықты» [4, 63].

Өзінің ғұмырбаяндық «Танғажайып дүние» романында автор осылай ағынан жарылады. Ра-сымен де, октябрьден кейін адам болдық деген сарындағы қазақы әсіре идеология, қара халық қана емес, елім деген ерлердің де еңсесін басып тұратын. Қазанның бер жағын әспеттеп жазғанмен де, ар жағын ауызға алушың өзі қоркынышты болатын. Тек көркем сөзде ғана аздаған дүниелер өмірге келетін. Оның өзі кемтар шығатын. Ал тарих ол жақты атаусыз қалдыруға тырысатын. Айтылды, бірақ аға халық мұддесі үстін тұратын көзқарастармен әспеттелетін. Мұның бері тек қана тарих. Солай болған дейді аға ұрпақ. Біз не демекпіз. Сол кіслердің сөзінен өткен заманды андамақпыз. Ол осы романдар. Айтып-айтпай, романдардағы идеология мәселесі қашанда көлденеңінен шығып отырады. Ол да жел қалай соқса, соның ығында болатұғұны...

Кей романдар ұлттық идеология көне тарихтан бастау алу керектігін, өз елдігіміз, өз тарихымыз бодандық қана емес екендігін көрсетуді тақырып етті. Аз ғана шолу жасасақ, тарихи романдар идеялық-мазмұндық ізденістерінде елдің батыр ұлдары, би-сұлтандарын негізгі тақырып ете отырып жаңа идеологияның болуын қажет ететіндегін айқындағы. Жазушы Қабдеш Жұмаділовтің «Прометей алауы» романының өзінің мазмұны жағынан өзге романдардан ерекшеленіп тұратын жері – идеологиялық крестің жүргізілгендеріне баса назар аударуымен қатар, ел ақсақалдарының сол бір зауал кезеңнің дертіне қолданған шарасы, емі ғасырлар бойына ұстанған діні, салт-санасы болғандығын көркем түрде жеткізуі болатын. Романдағы орыстардың шіркеу символдық бейнеде көрінеді. Ақтайлақ би шіркеу қоңырауынан өзгеше сыр ұгады: «Міне, мен келдім ортаң! Үйқынан оятуға, айдарлынды құл, тұлымдынды тұл етуге келдім! Ендігі ерік тізгінің менің қолымда! Жерінді ғана жайлап қоймай, тілінді, дінінді, иманынды қоса алам!» [5, 20].

Бұл тақырып кейінгі кезде де әдебиеттің өзге де жанрларында көрініс беріп жүр. Алайда көлемді жанрдағы бұл мәселе өз кезегінде Кеңестің жүргізген саясаты салдарынан сенімінен ажырауға шақ қалған елдің санасын оятуға жасалған қадамдар болары анық еді. Идеологиялар күресінде тек діні ғана емес, тілі мен мәдениеті,

тариҳы да жоққа таңылып келген жүрттың бір сэтте терең тарихқа, биік мәдениетке, бай тілге, дәстүрлі дініне берік болып шығуы да өзгелерді таңғалдырып отырган «ғажайып генофонды» екендігі айтпаса да түсінікті екендігіне осы се-кілді тарихи романдардың мазмұнына айналған деректер қоры дәлел бола алса керек.

Тарихи тақырыптағы романдармен жалғас, XX ғасырдағы оқиғаларды негіз еткен романдардың ауқымы да біршама. Атап айтқанда, Сәбит Досановтың «Қылбұрау», «Ұйық», «Тұйық», «Намыс нажағайы» аталатын төрт кітаптан тұратын «XX ғасыр» роман-эпопеясы, Смағұл Елубайдың «Мінәжат», «Жалған дүние», Рамазан Тоқтаровтың «Бақытты құлдықтың ақыры» секілді романдар сол ғасырдағы ұлт тағдырын сөз ете отырып, бұрындары социалистік реализммен бүркемеленіп келген, не айтылуына тыйым салынған тақырыптар жарыққа шыққан болатын. Бұл романдар құрделі кезеңнің катпарларын кейінгі ұрпаққа шынайы бейнесін көрсету борышын сезінгенінен дүниеге келген болатын.

XX ғасыр ел өміріне түрлі өзгерістер алып келуімен ерекшеленсе, ғасыр бойына халық басынан кешкен оқиғалар шынайы бағасын ғасыр соңындаған алып, бейнесін көрсетті. Ғасыр шындығын тану жолында қарымды қаламгерлер еңбекі ерекше көзге түседі. Кеңес кезеңінде орын алған азған жылымықты оңтайлы сөз деп білген зиялыхар көп жылдар тарих қойнауында бүркеліп қалғандығына наразы ішкі қыжылын көркем сөзде жеткізуі ұрпақ алдындағы басты міндепті санады. Бұл тәуелсіздік алғаннан кейін де жалғасын тапқан романдар легіне алғышарт болатын.

Қазақтан әскер алу... Кіші Қазан төңкерісін жасау... Ашаршылықтар... Ұлы Отан соғысы... 1986 жыл желтоқсан... Мұның барлығы да XX ғасырдағы казак қасіреті, КСРО құрамында болған халықтар бастаң кешкен күй болатын. Бірғана ғасыр ішінде бірғана халықтың мұншалық ауыртпалықтарды басынан өткериуі, зауалдан аман шығуы... ұлттың құш-куатының, тазалығы мен көрер күнінің жарқындығының айғағындаі емес пе?!

Дегенмен де, өткен ғасыр ел тарихының өшпес беттеріне айналып, кітаптанған оқиғын жағдайға жетті. Көркем сөз, кеш те болса, айта алмаған сырын ендіған айта бастады. Сол 91-жылдан бері қарай.

1991 жыл. Желтоқсан. Тәуелсіздік. Егемен ел болдық. Азаттық ел тұрмысын түзеп, санасын қалыптауы керек-ті. Кеңестік жүйе қателіктегі социалистік реализммен бүркемеленіп келсе,

бұл күнде ашық айыптау сарыны көрініс берді. Атап айтқанда, Рамазан Тоқтаров («Бақытты құлдықтың ақыры»), Оразбек Сәрсенбай («Шамшырак», «Шенбер»), Бақжоға Мұқаш («Өмірзая»), Смағұл Елубай («Мінәжат», «Жалған дүние»), Тоқтар Бейісқұловтардың («Қаза мен аза») романдары ашаршылық, кіші қазан зардаптарын тақырып өзегі етті.

Осы тұста Сәбит Досановтың «XX ғасырына» тоқталып өткен жөн болар. Себебі, автор бұл эпопеясында XX ғасырдағы ел басынан өткен жайларды баяндай отырып, бұрынғы стеоротиптерден арыла отырып, тарихқа деген оқырманың жаңаша көзқараспен қараудына алғышарт жасайды. Мүмкін осылай да болған шығар деген ойлардың оқырман санасынан орын алары анық. Эрі эпопеяда ұлт мінезі, ұлт тағдыры мәселелері де қарастырылады. Анығында бұл мәселелер шығарманың негізгі ұстындары деп қарасақ та болады. Бұл туралы «Замана және адам тағдыры» мақаласында Мәриям Ахметова: «С. Досанов – шығармаларында өз халқының кемшілігін көріп, аяусыз сынай алған батыл жазушы. Ұлттық қарастырғанда ашу дегеніміз – сол ұлттың қасіретін, қарекет, тіршілігін, тағдырын бүркемелей сыртқа шығару. Автор осынау аса қыын, аса маңызды құрделі мәселелеге өзінің көркем туындылары арқылы жарап іздеуді мұрат тұтқан. Адамдар әр түрлі. Мінезі де, пигылы да, сөзі де... Автор сол арқылы дүниедегі ең күшті де құдіретті, тылсым да жұмбақ адам деген пенденің барша болмысына суреткерлікпен, зерделікпен үніледі» [6] деп айттып өтеді.

Роман-эпопея бір ғасырлық шежірені қамти отырып, өз ішінде тәуелсіздігіміздің алғашқы жылдарын да баяндайды. Бұл кеңес құрсауына түсерден алдыңғы қазақ күйі, кеңестік қазақ күйі және де тәуелсіз қазақ күйі секілді символдық мәнге ие болуга жааралық тарихты да әңгімелуі шығарманың бағасын арттырып, құндылығын айқын көрсетеді.

Келесі бір романдар тобы 1986 жылдың басты тақырып етті. Ол романдарда жазықсыз жаңа шеккен жастар мен ұлттың ұйысуына қарсы ашық жасалған қастандық шығарманың негізгі әшкерелеу нысаны болса, ел тәуелсіздігі идеясы сол төңіректен өрбіп сөз болады. Кей романдарда бұл жанама баяндалып, негізгі оқиғаның астарын ашуға сеп болса, кейінің тәжелей тақырыбы болды. Дүкенбай Досжанның «Алан», Тұрысбек Сәукетайдың «Айқаранғысы» романдары тікелей сол желтоқсанды бастаң кешірген жастардың тағырын суреттесе, олардың жазықсыз құрбан болу себептері мен салдарларын көркемдік

тұрғысынан сұлу сөзбен оқырманың ашындыра отырып, қанын қыздыре, Мұхтар Шахановтың «Желтоқсан эпопеясы» нақтылы дерек көздеріне сүйенді.

Кейінгі бір романдардың басым бөлігі өнер адамдары өмірінен жазылды. Бұл қатарда Зейнолла Қабдолотовтың «Мениң Өуезовім» роман-эссеци, Дүкенбай Досжанның «Алыштың азабы», Рамазан Тоқтаров «Абайдың жұмбағы», Таласбек Әсемқұловтың «Тәттімбет сері», Әділ Дүйсенбектің «Шерагамның шеру». Романдар қатарын соза беруге болар, алайда бұл романдардағы басты сипатты атап өтсек, ол өнер адамдарының ел өмірінен алар орны, танымы мен талғамын оқырманға барынша дәлдікпен жеткізе білу, сондай-ақ олардың өмірде көрген қындықтары мен жеткен жетістігін елмен бірге, ұлттың бөлінбес бөлшегі етіп мазмұндау болатын. Бұл қатарға халық жадындағы тұлғалар өмірінен жазылған романдарды да жатқызуға болады. Ол романдар да ел суретін, тарихын нақтылы тұлға бейнесінің айналасына топтастырып, жинақтап баяндайды. Тарихи тақырыпта жазылған романдармен сабактас екендігіне орай көбіне тарихи роман деп те аталады, кейде деректі роман деп жарияланады. Ара жігін ажырату қын да емес. Мақала көлемі шағын болғандықтан бұл тұсқа көп аялдай алмаймыз.

Ғұмырбаяндық романдарды да жоғарыда атап өткен романдар қатарына ендіруге болады. Бұл романда да тарихи жайлар бір бейненің маңына жинақталады. Ол – автор. Автор өз өмірбаянын жаза отырып, көзі көрген жайларға бағасын беріп отырады. Мұхтар Мағауниннің «Мен» хамасы, Қабдеш Жұмаділовтің «Танғажайып дүниесі», Әзілхан Нұршайықовтың «Мен және менің замандастарым», Оразбек Сәрсенбайдың «Өмірнама» құнделігі, Қалихан Ыскәктың «Келмес құндер елесі» секілді жалғаса береді. Бұл романда көбіне көп кеңестік кезең суреттері молынан ұшырасады. Өзі ортасында болған оқиғалардың тарихи маңызын салмақтай отырып халық назарына ұсынған шығармалардың мақсаты да идеялық-мазмұндық ізденістері де тәуелсіздік жолындағы күрес айналасында көрінетінің байқалады.

Мақалада атаптас романдар авторларының көбі ХХ ғасырдың 60-жылдары әдебиеттегі алғашқы кадамдарын басқан, 90-жылдары бір-бір биіктегі қаламгерлер болатын. Енді сол 90-жылдары әдебиетке келген, сыншы Зейнолла Серікқалиевтің оң батасын алған Дидал Амантайдың шығармашылығына тоқталсақ.

Зейнолла Серікқалиев «Күс қанатымен» деген мақаласында Дидалдың тырнақалды романдары «Тоты құс түсті көбелек» пен «Шайыр мен шайт-

ан» романдарын повест ретінде бағалай отырып, болашағынан үлкен үміт күттіретіндігін айтып сенім артады. Бұл романдардың басты ерекшелігі деп жастар өмірін негізгі мазмұнына алу болатын. Әдеби ортада талас тудырған «Гүлдер мен кітаптар» романы белгілі әдебиеттанушы, сыншылар Герольд Белгер мен Элия Бөпежановалар тарапынан жоғары бағаланды. Сондай-ақ, Дулат Исабеков секілді аға жазушылардан қатты сын да айттылды. Жалпы әдеби ортадағы постмодернизмді бағыт етіп отырған жазушы әлемдік философтардың, қаламгерлердің ойлары мен пікірлерін өз елегінен өткізе отырып, ешбір қалыпқа келе бермейтін қарапайым ғана пайымдар жасайды. Сондай-ақ, романда көне замандардан сыр шерттін аңыздар желісі де беріледі. Ұлтты ұлт ететін діні, тілі, салт-санасы, тұрмысы, мәдениеті екендігіне баса назар аударта отырып автор оқырман күтпеген шешімдер қабылдайды. Кейіпкерлердің іштей арпалысы, сырттай көзқарастар қайшылығы, тіптен бір қарағанда романның өзін белгілі бір идея төнірегінде жазылған деп қаруға келмейтіндей көрінеді.

Сонымен, ел егемен болғаннан берігі романдары атап, оларды тақырыптар бойынша топтастырып қарап көрдік. Жинақтап келгенде тәмендегідей нақтылы тұжырымдарға келуге болатындығын алға тартамыз:

- тарихи тақырыптағы шығармалар көптең жазылды;
- кеңестік кезеңде айтылмайтын актандактар шығарма мазмұнына айналды;
- ел тәуелсіздігі идеясы айқын алдыңғы қатарда көріне бастады;
- 1986 жылды жеттоқсан ел тәуелсіздігі жолында жасалған алғашқы үлкен қадам ретінде танылды;
- тәуелсіздіктің алғашқы жылдарындағы ауыртпашилық романдарға арқау болды;
- жастар өмірі, олардың тәрбиесі шығарма мазмұнда боямасыз көрсетілді.

Осы тұста әдебиеттанушы ғалым Бақытжан Майтановтың «Қай дәуір туралы қалам сілтемесін, жазушы – қашанда тарихшы. Әдебиеттің басты парызы – адамзат естелігінің үзік-үзік болмауына күш салу. Шежіре арқауы жалғанбаған жерде, адамзат санасынан ғасырлар гайып болып, тіпті мыңжылдық жеңістер мен жеңілістер трагедиясы ұмыт қалады. Ал, жазушы адам зердесінің бірден-бір жоқтаушысы болғандықтан да тарихтың әлгіндей жыртықтарын романмен, поэмамен жамайды» [7, 256] деген сөздері шындық екендігіне көз жетеді.

Әрбір тақырыпты алып қарасақ та бір тарихқа байланысы бар болып шығады. Көркем

шығармадағы тарихилық термині бар. «Тарихи-лық – әдеби шығарманың тарихи әлеуметтік ортамен, белгілі бір халықтың мәдени тарихымен, салт-дәстүрімен, ырым-нанымдарымен, ұлттық мінез, ойлау ерекшеліктерімен, аңсар, арманымен тамырлас құбылыс. Осынау «тарихи-лық» ұғымы суреткөр дүниетанымының шартаралтылығына, асқан білімдарлығына яки мынадай тағым кезеңдерінің өткенді (ретрогноз), бүгінгіні (презентогноз), болашақты (прогноз) жеткік, жанжақты менгергеніне тікелей қатысты.

Әдебиеттегі тарихилық және зерттеу саласындағы методикалық әдіс ретіндегі тарихилық өмірдегі, ақықат болмыстағы әрбір құбылысты тексеру мен бейнелеу жалпы тарихи процестің бір бөлшегі, яғни тарихи сабактастық негізінде қарастырылуға тиіс. Сонымен, тарихилық белгілі бір заманның нақты тарихи жағдайларын, қайталанбас келбеті мен өзіндік қасиеттерін, мән-мағынасын, болмысын, ұлттық-тарихи және өмір шындығын, идеялық-тағымдық терендігін көркемдік түрғыдан жырлап, тарихтың көркемдік философиясын шеберлікпен жеткізу» делінеді әдебиеттану терминдерінің сөздігінде.

Тарихи роман мен романдардағы тарихилық қазақ әдебиетіндегі егіз ұғымдар іспепті. Қандай көркем туындыда да тарихтың ізі жатады. Мейлі

ол бүгінгі күнді суреттесін, ол ертең үшін тарих емес пе?!

Көркем сөз өнеріндегі тарих пен тарихи-лықты салыстыра келіп, әдебиеттегі әрбір туындының өткен күнмен байланысы барын, уақыт пен кеңістіктің қазіргі адам өмірі сүріп отырған ортамен тығыз байланыста болуы, одан алшақ ке-те алмауы, табиғатпен тығыз байланыста болуы, шығармашылықтағы тұлғаның тәнір берген та-лантының бар мүмкіндігінің жеткен жері, осы жаратылыс әлемі ғана екенін көрсетеді. Бұл қай елдің болмасын таным түсінігінің түптің түбінде бір-бірімен салыстырмалы түрде дамитындығы мен бәсекелес бола алатындығын білдіреді.

Корыта келгенде, қазақ романы ел тәуелсіздігі жылдарында өзінің дамуын, тың ізденістерін көрсете білді. Оқырман талғамын тәрбиелей отырып, сол талғам тараразысына сай өссе білді. Әлемдік танымал туындылармен терезесі тен шығармалар дүниеге келді. Макалада атап өткен тек қана тарихи, ғұмырбаяндық, мемуарлық, заманауи тақырыптағы романдармен қоса фантастикалық, сатирилық жанрлардың да дамығанын естен шығармауымыз керек. Әзірге тарихи тақырыппен сабактас шығармалармен шаманың жеткенінше таныстық. Алдағы уақытта романдар қатары саны жағынан да, сапасы жағынан да толыға түседі деген сенімдеміз.

### Әдебиеттер

- 1 Елеуkenov Ш. Тарихи романың жаңа ерісі. Кітапта: Қазақ романы: өткені мен бүгіні: ұжымдық монография. – Алматы: Алматы баспа үйі, 2009. – 644 б. – Б. 467-490
- 2 Жұртбай Т. Біртұтас Алаш идеясы және Шығыс Түркістан ұлт-азаттық қозғалысы / Кітапта: Қазактың ұлт-азаттық қозғалыстары. – Т. XII.
- 3 Дәдебаев Ж. Өмір шындығы және көркемдік шешім. – Алматы: Фылым, 1991. – 208 б.
- 4 Жұмаділов Қ. Таңғажайып дүние. Ғұмырнамалық роман / Жұмаділов Қ. 12 томдық шығармалар жинағы. – Т. X. – Алматы: Қазығұрт, 2005.
- 5 Жұмаділов Қ. Прометей алауы. Тарихи баян. Роман / Жұмаділов Қ. 12 томдық шығармалар жинағы. – Т. XI. – Алматы: Қазығұрт, 2005.
- 6 Ахметова М. Замана және адам тағдыры // «Жұлдыз» журналы. – 2011. – № 1.
- 7 Майтанов Б. Сөз сиңи (XX ғасыр әдебиеттерінің көріністері). Зерттеулер, макалалар, портреттер. – Алматы: Фылым, 2002. – 344 б.

### References

- 1 Elewkenov Sh. Tari''hi'' romannı'ng janga o'risi. Kitapta: Qazaq romanı': o'tkeni men bu'gini: uji'mdi'q monografi''ya. – Almatı': Almatı' baspa u'yi, 2009. – 644 b. – B. 467-490
- 2 Jurtbay T. Birtutas Alash i''deyasi' ja'ne Shi'ghi's Tu'rıkistan ult-azatti'q qozghali'si' / Kitapta: Qazaqtı'ng ult-azatti'q qozghali'stari'. – T. HII.
- 3 Da'debaev J. O'mir shi'ndi'ghi' ja'ne ko'rkemdir sheshim. – Almatı': Ghi'li'm, 1991. – 208 b.
- 4 Jumadilov Q. Tangghajayi'p du'nı''e. Ghumi'rnamalı'q roman / Jumadilov Q. 12 tomdi'q shi'gharmalar ji''naghi'. – T. H. – Almatı': Qazi'ghurt, 2005.
- 5 Jumadilov Q. Prometey alawi'. Tari''hi'' bayan. Roman / Jumadilov Q. 12 tomdi'q shi'gharmalar ji''naghi'. – T. HI. – Almatı': Qazi'ghurt, 2005.
- 6 Ahmetova M. Zamana ja'ne adam taghdi'ri' // «Juldi'z» jwrnali'. – 2011. – № 1.
- 7 Maytanov B. So'z si'ni' (HH ghasi'r a'debi''etterining ko'rinishteri). Zerttewler, maqalalar, portretter. – Almatı': Ghi'li'm, 2002. – 344 b.